



## Publicaziuns dalla vischnaunca, jamna 29

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### **Nr. 2019 – 1006.000**

Vischnaunca Disentis/Mustér, Via Cons 2, 7180 Disentis/Mustér; project d'avertura Pignola (canalisaziun, provediment d'aua, electricitad) parcelas 188 e 189, Pignola, 7180 Disentis/Mustér.  
Disentis/Mustér, 15 da fenadur 2019

*Uffeci da baghegiar Disentis/Mustér*

---

### Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

#### **Nr. 2019 – 2064.000**

Barbara Giger, Hotzenwiese 7, 8133 Esslingen; remplazzament dallas finiastras, parcella 1224, Via Cuož Sut 3, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 19 da fenadur 2019

*Uffeci da baghegiar Disentis/Mustér*

---

### Communicaziun – fiug artificial/bengalic

La suprastonza communal ha decidiu da desister egl avegnir sin fiug artificial/bengalic per tut las festivitads en vischnaunca, cheutras era per la fiasta naziunala digl 1. d'uost. Cun quei segn demussein nus nies agir responsabel enviers la protecziun digl ambient e la natira.

Nus supplichein da prender enconuschientscha da nossa decisiun ed engraziein per la capientscha.

*Suprastonza communal Disentis/Mustér*

---

### Fiasta digl 1. d'uost a Disentis/Mustér

#### **Gievgia, igl 1. d'uost 2019, naven dallas 1800 sin la piazza avon casa communal**

(en cass da malaura en halla Cons)

#### **Program:**

**Naven dallas 18.00:** aperitiv offerius da Sedrun Mustér Turissem. Ustria cun differentas specialitads regionalas preparadas da Gastro Disentis/Val Medel. Musica da divertiment Duo Desertina.

**Allas 20.00:** beinvegni entras Simona Barmettler, directura da SDT silsunter plaid festiv entras cusseglier naziunal Martin Candinas.

**Naven dallas 20.30:** differentas producziuns;

– Sunatibas Posta biala Sumvitg

– Mattiu Defuns, il cantadur romontsch da Trun

**Allas 21.00:** tuchiez - baselgia sogn Gions e claustra

**Allas 21.30:** til da lampiuns (lampiuns vegnan mess a disposiziun e reparti avon casa communal)

**Allas 24.00:** finiziun dalla festivitad

Nus selegrein sin Vossa viseta!



*Vischnaunca Disentis/Mustér,  
Gastro Disentis/Val Medel,  
Uniun da gymnastica da dunnas Mustér,  
Uniun da costumes Mustér e  
Sedrun Mustér Turissem*

---

### **Texaid – rinnada da vestgadira veglia**

#### **Cordial engraziament**

La vischnaunca da Mustér ha obteniu la premiaziun d'argien dalla Texaid ([www.texaid.ch](http://www.texaid.ch)) per rimnar vestgadira veglia. Per la valetaziun da quella premiaziun vegn cumparegliau il quantum da resti ch'ei vegnius rimnaus en relaziun dalla populaziun dalla vischnaunca. La vestgadira rinnada vegn reciclada per crear novas materias ed il recav vegn surdaus a differentas organisaziuns caritativas. Nus engraziein a convischinas e convischins per lur agid cun deponer il resti vegl a Raveras.

*Suprastonza communal Disentis/Mustér*

---

### **Via d'ual Punt da Brulf–Fontanivas Serrada dalla via**

Muort las lavurs da construcziun per slargar e rinforzar la via d'ual sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.  
Bien engraziament per la capientscha.  
Disentis/Mustér, ils 13 da mars 2019

*Uffeci forestal Disentis/Mustér*

---

### **Via d'ual Runfoppa Sura**

#### **Impediments da traffic**

Muort lavurs da reparaturas e manteniment vid la via d'ual da Pégn Rodund entochen Runfoppa Sura ei da quintar cun temps da spetga. Nus supplichein da risguardar las signalisaziuns el liug. Ordeifer il temps da lavur ei la via libra e carrabla senza impediments.  
Nus supplichein da prender enconuschientscha da quests avis.  
Bien engraziament per la capientscha.  
Disentis/Mustér, ils 12 da fenadur 2019

*Uffeci forestal Disentis/Mustér*

---

### **Messa alpestra Alp Russein**

**Gievgia, 1. d'uost 2019.** Messa allas 11.30. Per quei di ei la via aviarta per tut il trafic. Cordialmein envida

*ils pursenavels dal alp Russein e Cavrein*

---